



UNIVERSITÄTS-  
BIBLIOTHEK  
PADERBORN

## **Analysis Methodica Ivris Pontificii**

**Venator, Daniel**

**[S.l.], 1579**

**VD16 V 541**

De Clerico Excommvnicato, deposito, vel interdicto ministrante. Titulus  
XXVII.

---

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

poterit pœnam mortis, vel etiam multò mitiorem, indidere, vt putat Ang. in l. ex senatusconf. ff. ad l. Cornel. de sica. Quem secuti sunt plures relati à Boerio, quaest. 301. col. fin. & Decius in l. si quis, num. 4. ff. de iurisd. omnium iud. Nam si is, qui imaginem Principis scedauit vel dehonestauit, grauius puniendus est, l. non cōtra hitur, & l. sequen. l. famosi, ff. ad l. Iul. maiest. l. capitalium, §. statuas, vers. eum quoque qui imaginem Caesaris, ff. de pœnis, quanto grauius hic, qui imaginem Dei deturbat, plectendus est Quo argumenti genere vtitur Boerius, q. 301. num. 17. Et confirmatur ex l. vni. C. nemi ni licere signum Salua. Qua lege pœna grauissima puniuntur ij, qui in contemptum Christianæ religionis in terra, vel marmore signum Crucis, vt pedibus conculcari possit, inculpsit, atque fixit.

## DE CLERICO EXCOMMVNICATO, DEPOSITO, VEL INTERDICTO MINISTRANTE.

### Titulus XXVII.

#### *Qua pœna feriendus Clericus excommunicatus vel depositus ministrans?*

**E**ffectus excommunicationis est, quòd clericus, durante excommunicatione, sacra ministrare nō possit, intantum, vt si ministret, hoc ipso irregularis efficiatur, c. si quis Episcopo. 11. q. 1. de sent. & re iud. in 6. c. is cui, de sent. excom. in 6.

Circa hoc tamen distingue. Aut clericus ignarus excommunicationis, celebrat, & tunc si ignorantia probabilis fuerit, excusabitur. Ceterum si fortè ignorantia crassa, supina: aut erronea: nisi dispensationem à Pontifice consecutus fuerit irregularitatem, contrahit, c. Apostolica, extr. cod. Quòd si cognita excommunicationis censura ministrat: interest an excommunicatio ma-

ior vel minor sit. Si maior: clericus excommunicatus omnibus beneficijs priuatus, si monitus ab administrādo non desistat, ad requisitionem Ecclesiæ exilio damnatur, c. si quis, c. clerici, & c. latores, extr. eod. Nec potest aliud beneficium illi conferri. Adeò, vt scienter excommunicato conferens à beneficiorum collatione suspendatur, nisi collationis tempore absolutio illi contigerit, c. postulastis, & c. proposuit, extr. eod. Si verò minor excommunicatio: quæ ex cōmunionis excommunicato rû puenit, & tunc cum clericus minori excommunicatiōni subiectus, irregularitatem non contrahat, ea, quæ iurisdictionis sunt exercere poterit: si tamen ea quæ Ordinis sunt exerceuerit, sacramentaque Ecclesiastica contulerit, licet conferendo peccet, collata tamen, virtutis non carent effectu. cū non videatur à collatione, sed participatione sacramentorum remotus. Dummodò in contemptum Ecclesiasticæ disciplinæ, videlicet contra prohibitionem Superioris, communioni excommunicatus pertinaciter se non ingesserit. Eo enim casu anathemate feriendus est, vt Gregorius VIII. statuit, c. si celebrat, ext. eod.

## DE CLERICO NON ORDINATO, ministrante.

### Titulus XXVIII.

#### *Qua pœna clerici non ordinati ministrantis?*

**P**œna clerici ministrantis ea quæ ad ordinem, ad quem ordinatione Episcopi non est admissus pertinent, est, quòd depositus eijciatur ab ecclesia, nec amplius ordinetur, c. i. ext. eod. licet Diaconus fungens munere sacerdotij, ad quod ipse non est promotus, à diaconatu, cum iactura adeptionis maiorum ordinū, biennio vel triennio suspendatur, c. ex literis, ext. eod.

DE